

# Лейпцигд В. И. Ленинэ музей секгдв

Майин 7-д Лейпцигин болн Германск Демократическ Респуббликин цуг общественность балгъснд В. И. Ленинэ Музей сексн — ик байрта тѳр темдгл-цхäv. Нарт делкән пролетариатирин туургсн вождь болн багш, Германьд одсна туск тоотиг ГДР-н кўч-кѳлсчнр цугтнь сагар секдж хадгълджана. Революцин ѳмн цагт эмиграцин джилмўдт Владимир Ильич, Германэ кесг балгъсдт — Лейпцигт, Берлинд, Мюнхенд, Штутгартд, Нюрнбергт, нань чигн балгъсдт одх зѳвтэ болсмн. Роза Люксембургин нертэ уульнд, урднь „Лейпцигер фольксцейтунг“ гидг социал — демократическ газет бääсн герт В. И. Ленинэ музей секгдв. Эн герт 1912 джилин эклцär, Пражск конференцд сунъгъдсн, партин Централын Комитетин чледўдлэ болн государственн Гурвдгч думин большевистск фракцин депутатнрла Ильич харгъдж кўўндвр кесн бääсмн.

В. И. Ленинэ Музей секгдсн учрар, майин 7-д Лейпцигт, музейин герин ѳмн ик олн кўн цуглрсн митинг болв. Тер митингд балгъсна 10 минъгъ гар кўч-кѳлсчнр цуглрв.

Дакад Музейин экспонатс хälälгън болв. Тедн дунд орс болн немш келär барлгдсн болн гарар бичгдсн Ленинэ кесг произведеньсин фотокопий, 1900 джилд Лейпцигт В. И. Ленинэ эврэ бийиннь гардврар гарсн „Искра“ газетин негдгч номер бääцхәнэ.

1914 джилин эклцär Лейпцигт бääх цагтан В. И. Ленин бääсн ѳрälэ мел äдл ѳрä. Музейд бурдäгдсн бääнэ. Музейин нег гол ормд Ильичин ик гидг бюст тävгддж. Эннь болхла, Эйслебен гидг балгъснд, В.И.Ленинд тävсн памятник дуралгъддж кегддж. Эн памятникин тууджнь иим. Дäәнэ джилмўдт фашистск булагъачнр, цаг зуур оккупировать кехдән Советск Союзин райодас В. И. Ленинэ памятникиг, Германьдән кўргчкäd хамхлхар авад йовтж одцхасн бääсмн. Памятникиг альдж хамхлхар авч ирхлэ, Мансфельдск комбинатин кѳдлмшчнр, тер памятникиг хамхлулго, харсдж хадгълцхасмн. Советск Äärm диилвр бärснэ хѳн, Мансфельдск комбинатин кѳдлмшчнрин сурврар, В. И. Ленинэ памятник, Эйслебен гидг балгъсна тал дунд тävгдсн.

Наадк экспонатс дунд 1931 джил Московск „Красный треугольник“ гидг фабрикин кѳдлмшчнр, Лейпциг балгъсна кўч-кѳлсчнрт белглсн улан туг бääнэ.

Фашистск нойллгъна джилмўдт тер тугиг, немецк патриотк Габлер бултулдж хадгълсн.

Нарт делкән пролетариатин туургсн вождь болн багш В.И.Ленинд, немецк кўч-кѳлсчнр ямаран дуртаг, эн Лейпцигин музей секлгън ўзўлдж медўлджәнэ. Ленинэ заасн зааврар, немшин кўч-кѳлсчнр, шин хўвтэ джиргълиг диилвртäг тосхджацхана.